

ქ. თბილისი

20 დეკემბერი 2018 წელი

ერთი მხრივ, სსიპ „იუსტიციის უმაღლესი სკოლა“, მისი დირექტორის მოვალეობის შემსრულებლის, ბეჟან თურმანიძის სახით, (შემდგომში „შესყიდველი“), და მეორე მხრივ, შპს „ჯელიფტი +“ მისი დირექტორის, გიორგი ბიბილეიშვილის სახით, (შემდგომში „მიმწოდებელი“) „სახელმწიფო შესყიდვების შესახებ“ საქართველოს კანონისა და ელექტრონული ტენდერის შედეგად მიმწოდებლის მიერ წარმოდგენილი სატენდერო წინადადების საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1 ხელშეკრულების საგანია (შემდგომში „შესყიდვის ობიექტი“) შპმ პირთა ელექტრომექანიკური ამწეშესასვლელი ბაქანის და თანმდევი მონტაჟის CPV42416100 (ლიფტი) შესყიდვა ხელშეკრულების პირობებისა და დანართ #1 - ის შესაბამისად.

1.2 შესყიდვის წყარო: 2018 წლის სახელმწიფო ბიუჯეტის სახსრები.

1.3 შესყიდვის ობიექტის ხარისხი უნდა შეესაბამებოდეს ამ ხელშეკრულებაში და სატენდერო დოკუმენტაციაში მითითებულ, აგრეთვე ამ სფეროში არსებულ სტანდარტებს.

მუხლი 2. ხელშეკრულების ღირებულება

2.1 ხელშეკრულების საერთო ღირებულება შეადგენს 24900,00 (ოცადოთხი ათას ცხრაასი) ლარს, მიწოდებასთან და მონტაჟთან დაკავშირებული ყველა ხარჯის და საქართველოს კანონმდებლობით დადგენილი ყველა გადასახადის ჩათვლით.

2.2 ანგარიშსწორება მოხდება ფაქტიურად მიწოდებული შესყიდვის ობიექტის მიხედვით, მხარეთა უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე.

მუხლი 3. შესყიდვის ობიექტის მიწოდების ვადები და ადგილი

3.1 ხელშეკრულების ობიექტის მიწოდება და მონტაჟი განხორციელდება ხელშეკრულების დადებიდან 40 (ორმოცი) კალენდარული დღის ვადაში.

3.2 მიწოდების ადგილია: ქ. თბილისი, ნოდარ ბოხუას #19.

მუხლი 4. შესყიდვის ობიექტის მიღება-ჩაბარების წესი

4.1 შესყიდვის ობიექტის მიწოდების შესახებ ფორმდება შესაბამისი მიღება-ჩაბარების აქტი. შესყიდვის ობიექტი ჩაითვლება მიწოდებულად მხოლოდ მიღება-ჩაბარების აქტის გაფორმების შემდეგ.

4.2 შემსყიდველის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს სსიპ „იუსტიციის უმაღლესი სკოლის“ მატერიალურ ტექნიკური უზრუნველყოფის სექტორის უფროსი ნიკოლოზ ბუაჩიძე, ან მატერიალურ ტექნიკური უზრუნველყოფის სექტორის მთავარი სპეციალისტი ჯემალ ბარბაქაძე.

მუხლი 5. ანგარიშსწორების ფორმა და ვადები

5.1 მიწოდებული შესყიდვის ობიექტის ღირებულების ანაზღაურება მოხდება უნაღდო წინასწარი ანაგარიშსწორებით.

5.2 მიმწოდებლის მხრიდან, საქართველოს ეროვნული ბანკის მიერ ლიცენზირებული საფინანსო ორგანიზაციის მიერ, წინასწარი ანგარიშსწორებით გადასახდელი თანხის უზრუნველყოფისთვის (ე.წ. „საავანსო საბანკო გარანტია“) გაცემული გარანტიის წარმოდგენის შემდეგ შემსყიდველი იღებს ვალდებულებას წინასწარ აუნაზღაუროს მიმწოდებელს ხელშეკრულების მთლიანი თანხა, წინასწარ გადასახდელი მთლიანი თანხის ტოლ თანხაზე გარანტიის წარმოდგენის დღიდან 10 (ათი) სამუშაო დღის განმავლობაში.

5.2 მიმწოდებლის მიერ წარმოდგენილი საავანსო გადახდის გარანტიის ვადა სულ მცირე 30 დღით უნდა აღემატებოდეს შესყიდვის ობიექტის მიწოდების საბოლოო ვადას. მიმწოდებელი ვალდებულია, წინასწარი ანგარიშსწორების შედეგად მიღებული თანხა გამოიყენოს მხოლოდ ხელშეკრულებიდან გამომდინარე ვალდებულებების შესასრულებლად.

5.3 შესყიდვის ობიექტის მიწოდების დასრულებისას ფორმდება მიღება-ჩაბარების აქტის შემსყიდველს მიმწოდებელი წარუდგენს საქართველოს კანონმდებლობით დადგენილი საგადასახადო დოკუმენტაციას (დღგ-ს ანგარიშ-ფაქტურა, სასაქონლო ზედნაღები).

მუხლი 6. შესყიდვის ობიექტის გარანტია

6.1 გარანტიის პირობები: მიღება-ჩაბარების აქტის გაფორმების დღიდან შესყიდვის ობიექტზე უნდა გავრცელდეს არანაკლებ 2 (ორი) წლიანი გარანტია.

6.2 საგარანტო პერიოდის განმავლობაში აღმოჩენილი ხარვეზის შემთხვევაში, მიმწოდებელი ვალდებულია გაუმართაობის შესახებ შეტყობინების მიღებიდან მეორე დღეს უზრუნველყოს გაუმართაობის მიზეზის

იდენტიფიცირება და არაუმეტეს 10 (ათი) კალენდარული დღის ვადაში (სირთულის მიხედვით), ხარვეზის მქონე კომპონენტის საკუთარი ხარჯებით შეკეთება ან შეცვლა.

მუხლი 7. მხარეთა უფლება-ვალდებულებები

7.1 შემსყიდველს უფლება აქვს:

- ა) შეამოწმოს შესყიდვის ობიექტის ხარისხი.
- ბ) მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.
- გ) ნებისმიერ დროს შეაჩეროს ან შეწყვიტოს ხელშეკრულება, როდესაც ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან საზოგადოებრივი ინტერესებიდან გამომდინარე.

7.2 შემსყიდველი ვალდებულია:

- ა) წერილობითი ფორმით, ან კომუნიკაციის ელექტრონული საშუალებებით აცნობოს მიმწოდებელს შესყიდვის ობიექტის წუნის შესახებ.
- ბ) დაიცვას ხელშეკრულებით გათვალისწინებული პირობები.

7.3 მიმწოდებელს უფლება აქვს:

- ა) მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.
- ბ) მოითხოვოს შემსყიდველისაგან ხელშეკრულების სხვა პირობების დაცვა.

7.4 მიმწოდებელი ვალდებულია:

- ა) მიაწოდოს შემსყიდველს შესყიდვის ობიექტი ხელშეკრულებით დადგენილი პირობების შესაბამისად;
- ბ) ჯეროვანად, დროულად და კეთილსინდისიერად შეასრულოს ხელშეკრულების პირობები.
- გ) შესყიდვის ობიექტის მიწოდებისას განახორციელოს შესყიდვის ობიექტის ტესტირება, რაც ნიშნავს ყველა ფუნქციის და მუშაობის ხარისხის სრულ შემოწმებას.

მუხლი 8. ხელშეკრულების ინსპექტირების პირობები

8.1 შემსყიდველი უფლებამოსილია მოახდინოს შესყიდვის ობიექტის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული ობიექტის ნაწილის და წუნდების მითითებით.

8.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

8.4 ხელშეკრულების ინსპექტირებას შემსყიდველის მხრიდან განახორციელებს სსიპ "იუსტიციის უმაღლესი სკოლის" მატერიალურ ტექნიკური უზრუნველყოფის სექტორის უფროსი ნიკოლოზ ბუაჩიძე, ან მატერიალურ ტექნიკური უზრუნველყოფის სექტორის მთავარი სპეციალისტი ჯემალ ბარბაქაძე.

მუხლი 9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისთვის მხარეებს ეკისრება პირგასამტეხლო შესასრულებელი ვალდებულების ღირებულების 0,02% ოდენობით. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.2 იმ შემთხვევაში თუ ვადაგადაცილების გამო დაკისრებული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 0,2%-ს, მხარეებს უფლება აქვთ შეწყვიტონ ხელშეკრულება.

9.3 ხელშეკრულებით ნაკისრი ვალდებულებების შეუსრულებლობით გამოწვეული ზიანის ანაზღაურების საკითხი რეგულირდება საქართველოს კანონმდებლობით.

მუხლი 10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების ან დამატების შეტანა შეიძლება მხოლოდ მხარეთა წერილობითი შეთანხმებით.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 თუ ხელშეკრულების რომელიმე მხარე დაარღვევს ხელშეკრულებიდან გამომდინარე ვალდებულებას და პირობებს, მაშინ ხელშეკრულების მეორე მხარეს შეუძლია მოითხოვოს ხელშეკრულების შეწყვეტა, ვალდებულების შესრულებისათვის მის მიერ დამატებით განსაზღვრული გონივრული ვადის უშუალოდ გასვლის შემდეგ (გამოიყენება წერილობითი ფორმა ან ამ ხელშეკრულებაში მითითებული ელექტრონული ფოსტა). თუ ვალდებულების ხასიათიდან გამომდინარე შეუძლებელია ან აზრს კარგავს დამატებითი ვადის გამოყენება, მაშინ

დამატებითი ვადის განსაზღვრას უთანაბრდება გაფრთხილება (გამოიყენება წერილობითი ფორმა ან ამ ხელშეკრულებაში მითითებული ელექტრონული ფოსტა).

10.5 ხელშეკრულების შეწყვეტასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსის შესაბამისი მუხლები.

10.6 ხელშეკრულება ასევე, შეიძლება შეწყდეს მხარეთა ინიციატივით, წერილობითი ურთიერთშეთანხმების საფუძველზე.

11. დავები და მათი გადაწყვეტის წესი

11.1 ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მოლაპარაკების გზით.

11.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

12. დაუძლეველი ძალა

12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.

12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ორ კვირაზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე.

12.3 დაუძლეველი ძალის შემთხვევაში მხარე დაუყოვნებლივ წერილობით აცნობებს ამის შესახებ მეორე მხარეს.

13. სხვა პირობები

13.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14. ხელშეკრულების მოქმედების ვადა

14.1 ხელშეკრულება ძალაში შედის მისი დადების დღიდან და მოქმედებს 2019 წლის 31 დეკემბრის ჩათვლით.

14.2 ხელშეკრულების მე-6 მუხლის 6.1 პუნქტი ძალაშია სრული საგარანტიო პერიოდის განმავლობაში.

15. მხარეთა იურიდიული მისამართები და რეკვიზიტები

„შემსყიდველი“

სსიპ „იუსტიციის უმაღლესი სკოლა“

ქ.თბილისი, ნ.ბოხუას #19;

ს/კ: 205146493 ტელ: 238 11 61;

ელ-ფოსტა: vtchitchagua@hsoj.ge

სახელმწიფო ხაზინა,

ხაზინის კოდი: TRESGE22

ა/ა GE24NB0330100200165022

„მიმწოდებელი“

შპს „ჯელიფტი“

ქ. თბილისი, საბურთ. რაიონი ბახტრიონის ქ., N 13, ბ. 27

ს/კ: 405107842; ტ: 599679675;

ელ-ფოსტა: info@gelift.ge

სს „თიბისი ბანკი“

ბანკის კოდი: TBCBGE22

ანგ. №GE38TB7388536050100001

ბეჟან თურმანიძე

დირექტორის მოვალეობის შემსრულებელი



გიორგი ბიბილეიშვილი

დირექტორი



ხ ე ლ შ ე კ რ უ ლ ე ბ ა
სახელმწიფო შესყიდვის შესახებ № 180018317 - ის დანართი №1

ქ. თბილისი

20 დეკემბერი 2018 წელი

N	შესყიდვის ობიექტი	მწარმოებელი/სასაქონლო ნიშანი/მოდელი/წარმოშობის წყარო	განზომილების ერთეული	რაოდენობა	ერთეულის ფასი (ლარი)	მთლიანი ღირებულება (ლარი)
1	შეზღუდული შესაძლებლობების მქონე პირთა ელექტრომექანიკური ამწეშესასვლელი ბაქანი თანმდევი მონტაჟით ტექნიკური მახასიათებლები ტვირთამწეობა: არანაკლებ 250 კგ; გადაადგილების სიჩქარე: 0.15 მ/წმ ამძრავი მექანიზმის ტიპი: „Worm gear Screw nut“ სისტემა მექანიზმის სამოძრაო ღერძის დიამეტრი: 41 მმ მექანიზმის სამოძრაო ღერძის მასალა: ფოლადი ელექტრო მომარაგება: ერთი ფაზა/ნოლი და დამიწება 220 ვოლტი 50 ჰერცი ელექტრო ძრავის სიმძლავრე : 1 კილოვატი გარე განზომილება: 1350 მმ X 1400 მმ პლატფორმის ზომები : 1000 მმ X 1200 მმ გამოსასვლელი კარის ზომები: 900 მმ X 1000 მმ უწყვეტი კვების წყარო: (ups) მიყვანა უახლოეს გაჩერებამდე კორპუსის მასალა: ქრომირებული მეტალი (უჟანგავი ლითონი) გაჩერებების რაოდენობა: 2 გაჩერება	DEVAS SCREW NUT PLATFORM თურქული წარმოების	ცალი	1	24900	24900
სულ ჯამი:						24900

„შემსყიდველი“

ბეჟან თურმანიძე
დირექტორის მოვალეობის შემსრულებელი



„მიმწოდებელი“

გიორგი ბიბილოშვილი
დირექტორი



ინფორმაცია ინტერესთა კონფლიქტის შესახებ

ქ. თბილისი

20 დეკემბერი 2018 წელი


„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ სსიპ „იუსტიციის უმაღლესი სკოლის“ მიერ 2018 წლის 22 ნოემბერს გამოცხადებული ელექტრონული ტენდერის (NAT180018317) საშუალებით, 2018 წლის 20 დეკემბერს, შპს „ჯელიფტი +“-თან დადებული #180018317 ხელშეკრულებით გათვალისწინებული, შშმ პირთა ელექტრომექანიკური ამწეშესასვლელი ბაქანის და თანმდევი მონტაჟით შესყიდვის განხორციელებაში, მისი მონაწილეობა არ იწვევს ინტერესთა კონფლიქტს.

სსიპ იუსტიციის უმაღლესი სკოლის
დირექტორის მოვალეობის შემსრულებელი




ბეჟან თურმანიძე

მატერიალურ-ტექნიკური უზრუნველყოფის
სექტორის უფროსი



ნიკოლოზ ბუაჩიძე

მატერიალურ-ტექნიკური უზრუნველყოფის
სექტორის მთავარი სპეციალისტი



ჯემალ ბარბაქაძე